



Broj: 02-11-894-2/26
Fojnica, 08.05.2026. godine

Na osnovu člana 15. Zakona o principima/načelima lokalne samouprave u FBiH („Službene novine FBiH“, broj: 49/06), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15), člana 3. Pravilnika o dodjeli studentskih stipendija („Službene novine Općine Fojnica“, broj: 2/22, 2/23 i 3/26) i Zaključka Općinskog vijeća broj: 01-04-859-5/26 od 28.04.2026. godine, Općinski načelnik raspisuje

JAVNI KONKURS / NATJEČAJ

za podnošenje prijava za dodjelu stipendija redovnim/redovitim studentima općine Fojnica za akademsku 2025/2026. godinu

I

U skladu sa Pravilnikom o dodjeli studentskih stipendija Općine Fojnica, broj: 01-04-345-13/22 od 10.03.2022. godine i Odlukama o izmjeni i dopuni Pravilnika o dodjeli studentskih stipendija broj: 01-04-271-11/23 od 23.02.2023. godine i broj: 01-04-859-4/26 od 28.04.2026. godine, Općinski načelnik objavljuje Javni konkurs/natječaj za podnošenje prijava za dodjelu stipendija redovnim/redovitim studentima sa područja općine Fojnica za akademsku 2025/2026. godinu.

Stipendije se dodjeljuju u ukupnom iznosu od 1.500,00 KM za svakog studenta pojedinačno, a ukupan broj stipendija utvrđuje se na osnovu iznosa koji je planiran u Budžetu Općine Fojnica za tekuću kalendarsku godinu.

II

Pravo učestvovanja na Konkursu/natječaju imaju:

1. studenti državljani Bosne i Hercegovine,
2. studenti koji imaju prebivalište najmanje godinu dana na području općine Fojnica,
3. redovni/redoviti studenti prvog ili drugog ciklusa studija koji studiraju na visokoškolskim ustanovama u Bosni i Hercegovini ili inostranstvu,
4. studenti koji prvi put upisuju studijsku godinu,
5. studenti koji nisu stariji od 25 godina na dan objavljivanja Javnog konkursa/natječaja.

Prijave koje se neće razmatrati su prijave *vanrednih studenata i studenata apsolvenata*.

Ako se u postupku dodjele stipendija utvrdi da je student dao netačne podatke ili dokumente, isti će biti eliminisan iz daljnjeg postupka dodjele stipendije.

III

Uz prijavu na Javni konkurs/natječaj potrebno je priložiti sljedeću dokumentaciju:

1. Uvjerenje o državljanstvu ne starije od šest mjeseci (original ili ovjerena kopija),
2. Uvjerenje/potvrda o stalnom mjestu prebivališta ne starija od tri mjeseca (original ili ovjerena kopija),
3. Svjedočanstvo o završenom razredu za svaku godinu srednjoškolskog obrazovanja (ovjerene kopije) – **samo studenti prve godine**,
4. Uvjerenje/potvrda o upisu u tekuću akademsku godinu u statusu redovnog/redovitog studenta **sa naznakom da se studijska godina prvi put upisuje** (original ili ovjerena kopija),
5. Uvjerenje o položenim ispitima (prijepis ocjena) za sve prethodne studijske godine – **samo studenti druge i viših studijskih godina**,
6. Ovjerena izjava da kandidat ne prima stipendiju/studentski kredit od drugog davaoca (original),
7. Ovjerena izjava da Općina Fojnica može koristiti lične podatke prilikom objave rang liste kandidata (original),
8. Potvrde o ostvarenom dohotku za prethodnu kalendarsku godinu iz Porezne uprave za sve članove porodice koji ostvaruju primanja (original ili ovjerena kopija),
9. Ček od penzije za posljednji mjesec za sve članove porodice koji ostvaruju primanja ovog tipa (original ili ovjerena kopija),
10. Kućna lista o broju članova zajedničkog domaćinstva (original ili ovjerena kopija),
11. Izvod iz matične knjige rođenih za sve izdržavane maloljetne članove porodice koji se ne školuju (original ili ovjerena kopija),
12. Uvjerenje/potvrda o redovnom školovanju u tekućoj akademskoj godini za sve izdržavane članove porodice koji se školuju (original ili ovjerena kopija),
13. Uvjerenje/potvrda o nezaposlenosti za sve izdržavane članove porodice koji se ne školuju, ne starija od datuma objave Javnog konkursa/natječaja (original ili ovjerena kopija),
14. Izvod iz matične knjige umrlih za roditelja/e kao dokaz da je kandidat bez jednog ili oba roditelja (original ili ovjerena kopija),
15. Ovjerena izjava o pripadnosti romskoj nacionalnoj manjini (original),
16. Dokaz o invalidnosti/dokaz o procentu RVI invalidnosti člana porodice (original ili ovjerena kopija),
17. Dokaz o invalidnosti/dokaz o procentu invalidnosti kandidata (original ili ovjerena kopija),
18. Broj bankovnog računa na koji će se vršiti isplata stipendije (original ili ovjerena kopija).

Priloženu dokumentaciju poredati po rednom broju kako je gore navedeno.

IV

Prijavu sa potrebnom dokumentacijom poslati na adresu:

**Općina Fojnica
Bosanska 94,
71270 Fojnica**

Komisija/Povjerenstvo za provođenje Javnog konkursa/natječaja za dodjelu stipendija redovnim/redovitim studentima općine Fojnica u akademskoj 2025/2026. godini

sa naznakom „NE OTVARAJ“

ili donijeti lično/osobno na protokol Općine Fojnica.

Javni konkurs/natječaj će biti objavljen na oglasnoj tabli i na web stranici Općine Fojnica. Javni konkurs/natječaj ostaje otvoren **15 dana** od dana objavljivanja na web stranici Općine Fojnica.

Obrazac prijave na konkurs/natječaj za dodjelu stipendije nalazi se u prilogu konkursa/natječaja i može se preuzeti na web stranici Općine ili neposredno u šalter sali Općine Fojnica.

Prijave koje ne ispunjavaju opće uslove i prijave koje su nepotpune i neblagovremene neće biti uzete u razmatranje.

Prijave sa dokazima o ispunjavanju uslova za dodjelu stipendija neće se vraćati podnosiocima.

V

Javni konkurs/natječaj za dodjelu stipendija redovnim/redovitim studentima sa područja općine Fojnica za akademsku 2025/2026. godinu provodi Komisija/Povjerenstvo imenovana/o od strane Općinskog vijeća na prijedlog Općinskog načelnika, a u sastavu dva općinska vijećnika i tri državna službenika Općine Fojnica.

VI

Konačnu odluku o dodjeli stipendija donosi Općinski načelnik. Konačna odluka bit će objavljena na oglasnoj tabli i web stranici Općine Fojnica.

VII

Nezadovoljni student može podnijeti prigovor Općinskom načelniku u roku od 8 dana od dana objavljivanja Odluke o dodjeli stipendija na oglasnoj tabli Općine Fojnica, i to putem pošte na adresu: Općina Fojnica, ulica Bosanska 94, 71270 Fojnica.

VIII

Sa odabranim studentima Općinski načelnik će potpisati Ugovor o dodjeli stipendije.

Dostavljeno:

- Oglasna tabla Općine Fojnica
- Web stranica Općine Fojnica
- a/a

 **OPĆINSKI NAČELNIK**
Sabahudin Klisura, dipl. ing.